

Zitt.



Handwritten text, likely bleed-through from the reverse side of the page. The text is faint and difficult to decipher but appears to be a list or index of entries.

Handwritten text visible on the right edge of the page, possibly from an adjacent page or a margin. The text is partially cut off and includes various numbers and words.

FACULTATIS JURIDICÆ
IN ALMA AC PERANTIQUA VNIVERSI-
TATE ERFORDIENSI
DECANVS,
JOH. HENRICVS
Seier, JCTVS,

ELECTORAL. REGIMIN. CONSILIAR. DECRE-
TAL. PROF. PVBL. VNIVERSIT. SENIOR,
NEC NON JVDIC. PROVINC.
ASSESS. PRIMAR.

LECTORI BENEVOLO

S. & O.

ERFORDIÆ,
TYPIS GROSCHIANIS, ACAD. TYPOGR.



* * *



Vàm interfit Reipubl. obser-
vari à subditis modum & di-
stinctionem in vestimentis,
Deus ter Optim. Max. ipse
promulgare voluit *Deut. 22.*
vs. 5. severè prohibens: ne
mulier vestem virilem, nec vir muliebrem in-
duat tanquam sibi abominabile. Quod &
ejus Vicarii nonnunquam probè observarunt;
etenim, ut monstretur saltim quid hoc casu in
nostra Germania & ante in Romanâ de hac re
frugaliter fuerit sancitum, quasi ab ovo rem
odimur: namque à primordio Romanis pla-
cuit: habitu atque vestitu dignitates invicem di-
stin-

stinguere; ordinarunt ideo prætextas vestes in
quintuplici differentiâ, nimirum Regales; Augu-
rales, Consulares, Equestres & eorum, qui sunt
maiores 14. annorum, Prætextati à vestimenti
genere dicti *l. 3. §. fin ff. de liber. exhib. Et du-
cend.* Senatoribus debatur latus clavus *Lampr.*
Alexand. Trapea Præfectis, præprimis Prætorio
competebat, *Ammian. Marc. lib. 26.* Paluda-
mentum proprium erat Rom. Consulium, *Liv.*
lib. 3. dec. 5. nec non eorum, qui Consulium vice
provincias fortiebantur; Toga Magistratibus
erat prætexta; Penula communis omnium. Ale-
xander Severus Cæsar sibi animo proponebat,
omnibus officiis atque dignitatibus assignare
vestium genus proprium, quò vestitu digno-
scerentur, *Lampr. in Alex. Gratian. Valentin.*
& Theodosius statuerunt: ne Senatores manè
chlamidem ferrent, sed togati sederent potissi-
mum in Consilio potentissimo; Officiales au-
tem essent penulati cum interiore togâ cincti;
Servi non nisi burris & cucullis uterentur, *l. de
habit. quo uti oport. in Urb. lib. 14. Cod. Theod.
tit. 10.* Ast Aurelianus & Gordianus, Imperii
focci fastus opprimendi causâ, vestes auro texe-
re, suis interdixerunt civibus, quò parsimonix

assuescerent, nec temerè aliàs boni & frugales
patresfamil. tali vestium luxu tandem necessa-
riis carere cogerentur. Propterea non sine cau-
sa Juris nostri Autores sumptus vestium retu-
lerunt inter matrimonii onera, quæ maritus
subire debet; quibus, hac ætate, ut plurimum
dotis fructus non respondent adæquati, ut
nec mariti patrimonium quandoque sufficiat.
Quam ob rem satis laudari non possunt &
nostri Majores, Legum Conditores, qui huic
malo mederi laudabili studio annisi fuerunt in
Comitiis Augustæ Videlicor. sub Imp. optimæ
memoriæ Caroli V. & Maximiliani, anno 1545.
ar. 9. 10. 11. (utinam renovarentur) celebratis.
Occasione *Legis 42. ff. de donation. int. virum
& uxoris*. quæ præmissa sunt pro ejus eviden-
tiore intellectu, addendum saltem, verba: *La-
ti clavi*: denotare vestimenti speciem singula-
rem, quâ ostenditur ornamentum & insigne
Senatorii Ordinis, *Plin. lib. 2. Epistol. 9. Horat.
lib. 1. Satyr. 6. & Barn. Briffon. Antiq. Roman.
lib. 3. ad istam cit. L. 42. ff.* plura alia huc, ad
interpretationem ejusdem spectantia publicè
declaraturus est

NOBILIS ET CLARISSIMVS

DN. JOH. CHRISTOPHORVS
KIBELIVS,

qui natus est Groschoenaviae prope Zittaviam
Anno M DC XCIX. d. 8. April. Patre Viro ad-
modum Reverendo M. JOHANNE CHRISTIANO
KIBELIO, Pastore ejusdem loci, nunc emerito;
Matre ROSINA ELISABETHA, filiâ VOGELII, Re-
ctoris quondam in Gymnasio Zittaviensi cele-
berrimi. Primis fidei, morum & eruditionis
fundamentis per domesticam institutionem ja-
ctis, Zittaviam Ao. M DCC VI. missus, KNEBE-
LII, atque RÜCKERI, præceptorum Gymnasii Zit-
taviensis fidelissimorum informatione usus est,
donec sub rectoratu Viri, nunquam post fata
satis laudandi, Dn. CHRISTIANI WEISII, in tertia
Gymnasii classe locum adeptus fuerit. Quo
facto, per studii Scholastici cursum ductores
nactus est Dnn. M. MICHAELEM ZIEGERVM,
Cantorem; Mag. CHRISTIANVM GOTTLOB
PITSCHMANNVM, Sub-Rectorem; nunc verò
Catechetam vigilantissimum; Mag. ADAMVM
ERDMANNVM MIRVM, Conrectorem meritissi-
mum, M. GODOFREDVM HOFFMANNUM & D.

)(3

JO-

JOHANNEM CHRISTOPHORVM WENZELIVM, Re-
ctores olim celeberrimos. Anno demum
M DCC XX. Gymnasii cancellis egressus ad
Academiam Lipsiensem profectus est, ibique,
præviis institutionibus Dnn. MÜLLERI, J. V. D.
& Philosophi in laudata Academia celeberrimi,
philosophiæ; Dnn. VSLEBERI, KÆSTNERI,
SCHVBERTI, RECHENBERGII, RIVINI, Juri Civili;
famigeratissimi Jcti MENCKENII Juri Canonico;
ast WEIDLINGII Juri Feudali studium atque ope-
ram suam consecravit. Tandem oblata ipsi occa-
sione admodum commoda, quicquid ex theo-
reticis studiis hauserat, ad praxin applicavit; Vir
enim Prænobilis atque Consultissimus Dn. JO-
HANNES AVGVSTINVS GEORGI, Consiliarius Du-
cis Saxo-Mersburgensis atque negotiorum Sta-
tuum Marchionatus Lusatix inferioris Director,
quem compellant *Landes-Bestallter* / tam be-
nevolè se ipsi præbuit, ut eum, domi suæ rece-
ptum, ad praxin felici successu instituendam
consiliis singulariter juvaret. Eodem provi-
dente quoque postmodum factum, quod an-
no M DCC XXIV. Mens. Jun. prævio examine
ac juramento præstito, in numerum Advocato-
rum Lübenæ receptus, & simul, omnibus ritè
per-

peractis, in ipsa Notarii dignitate & officio,
eidem Lipsiæ à Magnifico WEIDLINGIO, Com.
Palat. &c. antè collato denuò confirmatus est.
Cùm verò per anni spatium & quod excurrit,
jus ad factum applicare sedulò operam dedisset,
multisque beneficiis per totum illud tempus à
viro, antè laudato affectus fuisset, quorum nun-
quam obliviscetur gratà mente illa perpetuò
recolens; patris sui dilectissimi hortatu, anno
M DCC XXV. Mens. Sept. domum reversus est,
eodemque anno, edito specimine & præstito
juramento Budisæ, officium atque privilegia
Advocati ordinarii impetravit. Demum indu-
xit animum, ambire Juris honores eumque in
finem se ad Nos convertit atque oblatis literis,
rogavit, ut ipsi panderetur Examen; annuit
quoque Facultas & ipsi mandavit textus notabi-
les ritè declarandos; promptè est ipse obsecutus
& exegefin probè super iisdem elaboratam edi-
dit, nec non ad propositas quæstiones compe-
tenter respondit, ut tandem albos lapillos suffra-
giorum à Collegio nostro impetrarit, atque Can-
didato permitteretur ordinandi cursoriam Le-
ctionem super *L. 42. ff. de donat. inter vir. &
uxor.* itemque Inauguralem Disputationem, DE
AVFF-

AVFFGABA ZITTAVIENSI. Hisce publicis actibus
expediendis præfinitus est dies 29. Maji, an. cur.
Si igitur placuisset Magnifico atque Reveren-
diss. Dn. Universitatis Rectori, ac Proceribus
ejusdem splendidissimis, nec non Jurispruden-
tiæ nobil. Cultoribus præstò esse, hisce invitan-
tur ad Auditorium Jurid. Collegii major. ho-
ris consuetis, submissè & officiosissimè. Publ.
Erfurti sub Sigillo Facult. Jurid. 26. dict. men-
sis, Anno MDCCXXVI.



